

**Forsætisráðuneytið
Stjórnarráðshúsinu við Lækjatorg
101 Reykjavík**

Sent í gegnum samráðsgátt.

Hofsstöðum, 31. mars 2020

Efni: Athugasemdir vegna þess sem kemur fram í skýrslu um uppbyggingu innviða sem tekin er saman af Verkís í febrúar 2020, kafli 1.7.4. Lan-060 og Lan-109

Múlavirkjun lýsir yfir ánægju sinni með þá miklu vinnu og umræðu sem fram hefur farið vegna þeirra hamfara sem urðu nú fyrr í veturn vegna mikils óveðurs og áhrif þess á afhendingu rafmagns.

Múlavirkjun er staðsett á Snæfellsnesi og tók til starfa 2005 og getur framleitt allt að 3.2 MW. Allar götur síðan hefur verið litið svo á að hún sé partur af varaafli hér á Snæfellsnesi ef hin 45 ára gamla 66 kw lína vestur að vegamótum fer út. Höfum við margoft á þessum tíma keyrt á móti díselrafstöðvunum og öðrum vatnsaflsvirkjunum sem eru á svæðinu við slíkar aðstæður.

Múlavirkjun er búinn góðum tækjum og hefur á að skipa nýjum eyjakeyrlubúnaði en til þess að orka nýtist enn betur en hún hefur gert til þessa við erfiðar aðstæður væri mikilvægt að dreifikerfið væri betur í stakk búið til að takast á við slíkar aðstæður en ljóst er mikið vantar upp á í þeim eftirfarandi.

Þegar verður eru í aðsigi hefur Rarik alltaf samband við vatnsaflsvirkjanir sem eru á Snæfellsnesi og biður um að starfsmenn þeirra séu í viðbragðsstöðu og þar með lítur Rarik á Vesturlandi svo á að um varaafli sé að ræða.

Múlavirkjun hf hafnar því hér með þeim fullyrðingum sem koma fram í skýrslu Verkís í kafla 1.7.4 um að smávirkjanir nýtist ekki sem varaafli því reyndin hefur verið önnur á Snæfellsnesi í gegnum tíðina.

Múlavirkjun leggur áherslu á eftirfarandi.

- Farið verðir í endurbætur á dreifikerfum þannig að smávirkjanir út á landsbyggðinni nýtist enn frekar en hingað til sem varaafli ef flutningskerfin lenda í vandræðum.
- Samtal verði við eigendur smávirkjana um hvernig þær nýtist sem best við erfiðar aðstæður víða um land íbúum og fyrirtækjum til góðs.

Fh, Múlavirkjunar

Virðingarfyllst,



Eggert Kjartansson
framkvæmdastjóri Múlavirkjunar hf